

八瓊室金石補正

第四三冊

八瓊室金石補正卷九十

太倉陸增祥撰

男 繼輝校錄

吳興劉承幹覆校

宋九

浯溪題刻三十九段在祁陽

陳統詩景祐五年萃編已載

祠部郎中祠誤刑并脫郎字三百年來三誤作正并缺百字翰灑缺灑字

陳統詩正書十七行字數不齊祥案詩十二行行十字前後不等在

磨崖間浯溪新志遺去前一詩而以後次山舊隱一

首屬之書人鄭紘謬甚又羣山合作羣山在皆當以

石刻正之

古泉山館
金石文編

宋史兵志有內殿直有散祇候各有都虞候指揮兼

同提刑無攷進士周賁於元祐三年刻華嚴岩張綬

題名

案此所刻者成戰等題名也金
石諸家皆誤系於張綬題名後

去仁宗景祐五

年凡五十一年此人豈自少至老爲進士且專爲人

刻字邪疑此人後來題賞重刻細審進士鄭絃之下

剝蝕數字其第一字似元字則或元祐時所刻也

金石

審

萃編闕譌校補如右又鄭絃一行石本在後王氏

錄之於前亦非又提點下通志永志作刑獄二字

提刑不言何路陳統名亦不見於官志又因訪古
之因省府志均作思審之似不誤然已泐矣至詞
源均作原則志之誤也水旁上兩點已殘損却似

原字

運判宋

殘題名

存八行行十一字
字徑七八分行書

東

□□□□□□□□□□□□□□□□□□□□□□

構

□□□□□□□□□□□□□□□□□□□□□□

中藏

□樹□居□□□□□□□□□□□□□□□□□□□□□□

出遊則□□□□□□□□□□□□□□□□□□□□□□

僕自

春陵□道過此久不能去因識歲月□厯八□三

月初九日

□□□□□□□□□□□□□□□□□□□□□□

題

轉運判官□□□□□□□□□□□□□□□□□□□□□□

右刻在磨厓石壁爲李若虛磨去改刻其詩僅存
四十字行字疏落筆致朗潤惜不得其全矣厓上
是慶字尙有下半夕字可辨此刻前人未見

王忞題名
高廣不計一行十九
字字徑五分古篆書

皇祐辛卯歲中冬廿有式日河南王忞因窆題
皇祐辛卯歲中冬廿有式日河南王忞因窆題

皇祐辛卯歲中冬廿有式日河南王忞因窆題
釋文

右古篆一行刻於修復浯溪記元友讓詩碑後仁古
文作忞从干心疇篆文作疇或作畀並見說文因古
文國古文四聲韻云出義雲章然以仁疇爲名文義

似不相屬或因疇字从壽作𠂔竟借爲壽字亦未可

知古泉山館
金石文編

𠂔 本王存父切韻卯石經作𠂔此小變其形

𠂔 見汗簡云出諸家碑國作𠂔見義雲章古

亦以爲方字𠂔本華岳碑𠂔本義雲章切韻

狄青題名

高三尺五寸廣二尺三行行十三字另二行行字不等字徑二寸五分正書

皇祐壬辰孟冬儂寇復邕管宣徽南院使彰化軍節度

使狄青奉 詔致討明年季春朔凱旋過此

□□石州軍事推官掌機宜武緯

大理寺詳斷官太子右贊善大夫掌機宜馮炳從行

右狄青題名正書五行在浯溪磨厓右攷廣源州蠻
儂智高於皇祐四年四月反五月陷邕州及橫貴等
八州圍廣州嶺外騷動楊旼安撫久無功乃命孫沔
余靖等討賊仁宗猶以爲憂時狄青以彰化軍節度
使知延州權樞密副使上表請行乃改宣徽南院使
宣撫荆湖南北路經制廣南盜賊事置酒垂拱殿以
遣之時智高還據邕州青出奇兵大敗智高遂遁去
復爲樞密副使遷護國軍節度使河中尹還至京師
帝嘉其功拜樞密使事詳宋史及東都事略今廣西
臨桂有大宋平蠻碑及平蠻三將題名皆其事也據

三將題名青以皇祐五年正月破賊二月班師至桂林詔換河中旌節召還樞密與此云季春朔凱旋過此正合後有武緯馮炳二人並云掌機宜宋制招討使得奏辟隨軍書寫機宜文字此青之從官也亦見三將題名儂智高者平蠻碑云賊之巢穴曰廣□州交趾之附庸也父爲交趾所戮遂棄其州奔南蠻界中僭號自名其居曰雲南道又曰南天國再名其年曰景瑞曰啟厯云

古泉山館
金石文編

石州上當缺二字通志永志均不言其缺殆非以三將題名證之非權攝卽前權也覆審拓本石上

權字下半可辨其上一字則無一筆存矣贊善二字尙可辨從行二字則漫滅已盡據志補之又案祁陽志載此邕下多一桂字度誤作渡詔致討誤作部勅封季春下脫朔字石誤作右大夫上多中字皆誤

柳拱辰等題名

高三尺三寸二分廣二尺三寸二分五行行九字字徑三寸餘正書

皇祐六年甲午歲正月廿一日尙書職方貢外郎知永州柳拱辰同尙書駕部郎中分司周世南祁陽縣令齊術遊此

浯溪東崖有柳拱辰題名正書五行字徑二寸許方

輿勝覽云柳拱辰其先青州人五季避地荆楚爲武陵之青陵人年六十卽有挂冠之志荆亭於青陵館名橋曰歸老案曾鞏元豐類藁有歸老橋記爲拱辰作也洪邁容齋五筆謂拱辰以天聖八年王拱辰榜登科殆應辰之兄明統志載拱辰通判鄂岳州有惠愛弟應辰子平猷等相繼擢第人號武陵五柳容齋五筆又載蔣世基述夢記云至和三年八月知永州職方貢外郎柳拱辰受代歸闕祁陽令齊術送行至白水夢一儒衣冠者曰我元結也今柳公游浯溪無詩而去子盍求之覺而心異之遂獻一詩柳依韻而

和云云今拱辰詩未見僅於石門西北面尙存銜名
二行其前已爲後人磨去改刻或卽詩之結尾歟皇
祐六年卽至和元年是年三月始改元題名刻於正
月故稱皇祐六年拱辰尙有至和二年六月淡岩題
名九月朝陽岩題名十一月華巖岩題名又三年二
月建柳子厚祠堂記俱在永所作則八月去官之說
是也同游者有祁陽縣令齊術亦與述夢記合術平
樂人皇祐五年宰祁陽期月建三絕堂於浯溪孫適
爲之記殆亦風雅好事居官而知所先務者也周世
南祁陽人登大中祥符元年進士曾以虞部員外郎

知郴州此題名銜云尙書駕部郎中分司後又有詩
一首署銜與題名同而改分司爲致仕攷分司致仕
者例得從便居住則分司猶致仕也時世南辭官家
居與守令同游而列銜在邑令之上可見宋時鄉宦
之重縣志謂世南篤學有氣節以持議忤王欽若致
仕又載其遺事云少聘董氏女未婚喪明登第女父
請改婚父貽書問之世南曰人生配偶有定分始全
終廢天也卒娶瞽女爲婦士論高之則世南固亦卓
然樹望於搢紳中者

古泉山館
金石文編

萃編誤以爲岱岳觀題名因重錄之題名在皇祐

六年柳拱辰已稱知永州則永志謂以至和二年任者誤祁陽志廿作二十令上脫縣字

柳拱辰殘刻

高一尺二寸五分廣九寸三行行六字字徑二寸許正書

□月二十一日尙書職方員外郎柳拱辰書

右柳拱辰題名正書二行在石門西北面石上

古泉山館

金石文編

通志永志載此缺月日一行

周世南詩

高一尺二寸四分廣一尺八寸八分十行前四行行七字銜名一行十一字詩存五

行行八字字徑一寸五分正書

浯溪崖碑辭筆精妍景物奇峭輒成五言四韻詩一

首紀題

尙書駕部郎中致仕周世南

壁立石青蒼隣溪復枕江刊銘傳不朽文筆老無雙惟

樹森圓幄□□

寄

□幢奇蹤□異景

下缺

右周世南詩正書十行在石門西石上後二行已漫漶末句爲人磨去改刻僅存末二行浯溪新志未載

古泉山館金石文編

省府志載此詩筆誤語銘誤名

省志不誤

文誤縱老誤

記并缺樹幄奇蹤四字弟九行末一字似聳姑从

志注寄字於旁周世南已見前附前刻之後

郭祖□題名

高一尺二寸七分廣二尺五寸行行四字字徑二寸許正書

至和三年丙申八月二十一日游此福昌郭祖□題

右郭祖□題名未見箸錄至和三年卽嘉祐元年

九月改元故八月猶書至和也

潘夙題名

高一尺六寸廣一尺二寸四行
行四字字徑一寸八分許正書

新江東提點刑獄潘夙嘉祐丙申經此

潘夙題名正書四行在浯溪厓上攷宋史潘夙字伯
恭鄭王美從孫也自天聖中上書論時政授仁壽主
簿厯知韶州擢江西轉運判官提點廣西湖北刑獄
遷轉運使徙知滑州改鴻北轉運使知桂州謫監隨
州酒稅起知光化軍易端州刺史再遷鄜州召對稱

旨還司封郎中直昭文館復知桂州徙河北轉運使
厯度支鹽鐵副使知河中府又嘗知潭州再遷光祿
卿知荆南鄂州卒年七十題名云新江東提點刑獄
乃新除江南東路之提點刑獄而傳未之及丙申爲
嘉祐元年卽至和三年也是年九月改元嘉祐夙題
名不書至和而書嘉祐當在九月以後此刻前人未

見

古泉山館
金石文編

余嘗於四朝聞見錄諸書見太祖初入周宮武士持
周主幼子將出太祖顧潘美美力言不可誅太祖卽
以屬美美收養之冒潘姓潘夙實其所存遺裔之子

也此事君臣祕密幸得保全於太宗之世太祖之仁

至矣

永州府志 越峴山房史信

余洵直題名

高一尺二寸二分廣一尺三寸三分六行行五字字徑二寸四五分左行正書

新儀眞司民余洵直君儀侍

親按永先還艤舟登此

嘉祐丁酉五月晦題

右余洵直題名正書六行左行在崕臺左

古泉山館金石文編

文云侍親按永則其親當是官荆南者而通志職

官仁宗朝並無余姓其人莫可攷矣丁酉爲嘉祐

二年

米君平題名

高一尺一尺廣一尺一寸五字字徑二寸正書